

**Upravni odbor Zavoda zdravstvenog
osiguranja Kantona Sarajevo**

Na osnovu člana 96. stav 2. u vezi sa članom 103. stav 1. alineja 2. Zakona o zdravstvenom osiguranju ("Službene novine Federacije BiH", br. 30/97 i 7/02), člana 8. Odluke o osnivanju Zavoda zdravstvenog osiguranja Kantona Sarajevo ("Službene novine Kantona Sarajevo", broj 7/98), te člana 67. Statuta Zavoda zdravstvenog osiguranja Kantona Sarajevo ("Službene novine Kantona Sarajevo", broj 4/00), Kantona Sarajevo, na sjednici održanoj dana 25. marta 2002. godine, uz saglasnost Skupštine Kantona Sarajevo, donosi

ODLUKU

O IZMJENAMA I DOPUNAMA STATUTA ZAVODA ZDRAVSTVENOG OSIGURANJA KANTONA SARAJEVO

Član 1.

U Statutu Zavoda zdravstvenog osiguranja Kantona Sarajevo ("Službene novine Kantona Sarajevo", broj 4/00), član 5. stav 2. mijenja se i glasi:

"Sjedište Zavoda je u Sarajevu u ulici Lošionička broj 2."

Član 2.

U članu 13. stav 3. tačka 3. iza riječi: "Poslovnica Ilidža" dodaju se riječi: "sa Ispostavom Trnovo".

Član 3.

Član 40. mijenja se i glasi:

"Lice koje osiguravnik u troškovima korištenja pojedinih vidova zdravstvene zaštite, regulisat će se u okviru osnovnog paketa zdravstvenih prava koji je donijeti Parlament Federacije."

Član 4.

Iza člana 44. dodaje se novi član 44a. koji glasi:

"Iz sredstava doprinosa za obavezno zdravstveno osiguranje, za određene prioritetne vertikalne programe zdravstvene zaštite od interesa za Federaciju i za pružanje prioritetnih najslabijih oblika zdravstvene zaštite iz određenih specijalističkih djelatnosti, osiguravaju se sredstava federalne solidarnosti kod Zavoda zdravstvenog osiguranja i reosiguranja Federacije Bosne i Hercegovine.

Odluku o visini izdvajanja sredstava od ukupnih prihoda kantonalnih zavoda ostvarenih po osnovu doprinosa za obavezno zdravstveno osiguranje, donosi Vlada Federacije na prijedlog federalnog ministra za svaku kalendarsku godinu."

Član 5.

U članu 49. stav 2. riječ "dva" zamjenjuje se riječju "tri".

Član 6.

Ove izmjene i dopune Statuta će se objaviti u "Službenim novinama Kantona Sarajevo" i stupaju na snagu osmog dana od dana objavljivanja.

Broj 04-680/02-II
25. marta 2002. godine
Sarajevo

Predsjednik
Upravnog odbora
Fikret Musić, s. r.